

謚

法

通

考

謚法通考卷之九

雲間王 坎編輯

巴郡趙可懷校正

平湖孫成泰 鄭中朱一龍

龍江王應麟 西陵吳

唐帝后太子謚

獻祖隴西成紀人姓李氏名熙魏弘農太守
子仕爲金門鎮將武德元年追謚爲宣簡公高宗
元元年尊爲宣皇帝玄宗開元十一年號曰獻祖

史記通鑑 卷之六
妣張氏謚宣莊皇后

懿祖名天賜熙子在魏爲憲主武德元年追謚懿王
上元元年謚爲光皇帝開元十一年號爲懿祖 婪
賈氏謚光懿皇后

烈祖名虎天賜子仕周封唐公薨謚襄公隋恭帝義
寧元年謚爲景王武德元年謚爲景皇帝廟號太祖

妣梁氏謚景烈皇后

世祖名炳景皇子仕隋襲封唐公薨謚仁公武德元
年追謚元皇帝廟號世祖 婪獨孤氏謚元貞皇后

高祖名淵字叔德元皇子以隋義寧二年受禪武德元年崩謚太武上元元年改謚神堯天寶十三載增謚大聖大光孝皇帝廟號太祖 當皇后京兆平陵

人父毅仕周爲上柱國尚武帝姊襄陽公主生后后早崩義寧元年謚穆妃武德元年謚穆皇后上元中
益謚太穆神皇后天寶八載增謚太穆順聖皇后
太宗名世民高祖第二子武德九年誅建成立爲皇太子未幾內禪貞觀二十三年崩謚文上元元年改謚文武聖皇帝天寶八載謚文武大聖大廣孝皇帝

廟號太宗 長孫皇后河南洛陽人父晟仕隋爲右驍騎將軍后極賢貞觀十年崩謚文德上元中益謚文德聖皇后天寶八載益謚文德順聖皇后

高宗名治字爲善太宗第九子貞觀二十三年卽位弘道元年崩謚天皇大帝天寶八載改謚天皇大聖十三載增謚天皇大聖大弘孝皇帝廟號高宗 武皇后并州汾水人父士叡母楊氏后崩於神龍元年謚則天大聖天寶八載改謚則天順聖皇后

中宗名顯高宗第七子弘道元年卽位嗣聖元年廢

爲太子神龍元年復位景隆四年爲韋后所毒崩謚
孝和天寶十三年加謚大和大聖大昭孝皇帝廟號
中宗 趙皇后京兆長安人父瓌尚高祖女長樂公
主生后后爲武后幽死神龍元年追謚恭天寶八載
謚和思順聖皇后 昭容上官氏名婉兒父庭芝母
鄭氏昭容有文才黨于韋后韋后之敗斬闕下景雲
中追謚文惠

睿宗名旦高宗第八子以相王迎卽位先天元年傳
位太子開元四年崩謚大聖真皇帝天寶十三載增

謚玄真大聖大興孝皇帝廟號睿宗 劉皇后爲武
氏所殺景雲元年追謚肅明 竇皇后父孝湛帝爲
相王納爲孺人生玄宗薨景雲元年追謚昭成天寶
八載與劉皇后俱加謚順聖 初太常加謚竇后曰
大昭成或言法宜引聖真冠謚而曰大昭成非也以
單言配之應曰聖昭若睿成以復言配之應曰大聖
昭成聖真昭成又引泰穆皇后始謚穆及高祖崩合
帝謚曰泰穆追贈泰穆神皇后文德皇后始謚文德
及太宗崩合謚文德順聖皇后又援范曄著漢光烈

等爲比太常謂驛以帝號標后謚是史家記事體婦
非必與夫同也入廟稱后繫夫在朝稱太繫子文母
生號也文王既沒謚也周公豈以婦從夫乎漢法不
可爲據制曰可天寶八載詔自泰穆而下皇后並增
上順聖二字云

玄宗名隆基睿宗第三子先天元年卽位天寶十五
載傳位太子後七年崩謚至道大聖大明孝皇帝廟
號玄宗 武皇后父攸立封恒安王后初爲惠妃有
寵幾欲爲后以諱而止開元時薨贈皇后謚貞順

楊皇后華州華陰人父知慶位太尉后初爲貴嬪生肅宗薨至德二載謚元獻皇后 麗妃趙以倡幸開元十四年謚和

肅宗名亨玄宗第三子天寶十五載卽位靈武寶應元年崩謚文明武德大宣孝皇帝廟號肅宗 吳皇后濮州濮陽人父令珪后幼入掖庭以選入太子宮生代宗年十八薨代宗卽位追尊爲皇后謚章敬代宗名俶肅宗長子寶應元年卽位大曆十四年崩謚睿文孝武皇帝廟號代宗 獨孤后不知何所人

父頴左威衛錄事叅軍后初爲貴嬪大曆十年薨追號爲皇后謚貞懿。沈皇后吳興人開元末以良家子入東宮遂以賜廣平王生德宗遭祿山之亂失后所在元和初追尊爲太皇太后謚睿真。

德宗名适代宗長子大曆十四年卽位貞元二十一年崩謚神武聖文皇帝廟號德宗。王皇后本仕家帝爲魯王時納爲貴嬪生順宗貞元三年將冊爲后崩乃謚昭德皇后。

順宗名誦德宗長子貞元二十一年卽位元和元年

崩謚至德大聖大安孝皇帝大中三年加謚至德弘
道大聖大安孝皇帝廟號順宗 王皇后鄒郡人帝
在東宮冊爲良娣將立爲后會帝病棘而止后性仁
順宮中化其德生憲宗元和十一年崩謚莊憲皇后
憲宗名純順宗長子永貞元年受內禪元和十五年
崩謚聖神章武孝皇帝大中三年加謚昭文章武大
聖至仁孝皇帝廟號順宗 郭皇后汾陽忠武王之
孫女父曖母昇平公主元和元年冊爲貴妃生穆宗
穆宗立尊爲皇太后宣宗之母孝明皇后故后侍兒

有羣怨后因暴崩謚懿安 鄭皇后丹陽人初爲李
錡侍人李錡反沒入掖庭侍懿安帝幸之生宣宗宣
宗立尊爲皇太后咸通六年崩謚孝明

穆宗名恒憲宗第三子元和十五年卽位長慶四年
崩謚肅聖文惠孝皇帝廟號穆宗 王皇后越州人
本仕家子幼侍帝東宮生敬宗敬宗立尊爲皇太后
會昌五年崩謚恭僖 蕭皇后閩人帝爲建安王后
得侍生文帝文帝立尊爲皇太后大中元年崩謚貞
獻 常皇后失其先世帝爲太子后得侍生武宗長

慶時冊爲妃薨武宗立追尊爲皇太后謚宣穆

敬宗名湛穆宗長子長慶四年卽位寶曆二年崩謚

肅武昭愍孝皇帝廟號敬宗 郭貴妃無謚

文宗名昂穆宗第二子寶曆二年卽位開成五年崩

謚元聖昭獻孝皇帝廟號文宗 楊王二妃無謚

武宗名炎穆宗第五子開成五年卽位會昌六年崩

謚至道昭肅孝皇帝廟號武宗 王賢妃無謚

宣宗名忱憲宗第十三子會昌六年卽位大中十三

年崩謚元聖至明成武獻文肅智章仁神聰懿道大

孝皇帝廟號宣宗
龜皇后不詳其世初爲羨人生
懿宗大中中薨追冊爲皇太后謚元昭

懿宗名漼宣宗長子大中十三年卽位咸通十四年
崩謚昭聖恭惠孝皇帝廟號懿宗
王皇后亦失所
來咸通中爲貴妃生僖宗七年薨十四年追尊爲皇
太后謚惠安

僖宗名儇懿宗第五子咸通十四年卽位文德元年
崩謚惠聖恭定孝皇帝廟號僖宗
王皇后其出至
微咸通中得幸生昭宗薨昭宗立追號爲皇太后謚

卷之二十一
三
恭憲

昭宗名曄懿宗第七子文德元年卽位天祐元年爲朱全忠所弑謚聖穆景文孝皇帝廟號昭宗何皇后因被弑無謚害昭宗時蘇循子楷因覆試不舉有憾于帝及帝被弑政出于梁楷與張廷範等相結因謂廷範曰夫謚者所以易名而責實也前有司謚先帝曰昭名實不稱公爲太常予史官也不可以不言乃上疏駁議廷範議曰臣聞執事堅固之謂恭亂而不損之謂靈武而不遂之謂莊在國逢難之謂閔因

事有功之謂襄請改謚昭宗皇帝曰恭靈莊閔皇帝廟號襄宗及後唐明宗時大臣欲理其駁謚之罪以憂死

哀宗名柷昭宗第九子天祐元年卽位四年爲朱全忠所篡降封濟陰王梁開平二年遇弑謚哀後唐明宗追謚昭宣光烈孝皇帝廟號景宗

太子建成高祖子貞觀時謚愍

太子承乾太宗子開元中謚愍

太子弘高宗子中宗時謚孝敬皇帝妃裴氏謚永

皇后

太子重俊中宗子睿宗時謚節愍時中書舍人常奏上言王者發號施令必法天道善善著惡惡明也賞罰所不加則考行立謚以褒貶之臣議其君子議其父曰靈曰厲者不敢以私廢公也臣伏覩故太子與多祚等擁北軍犯宸居破扉斬關兵指黃屋騎騰紫微先帝御玄武門親諭順逆太子據鞍自若督衆不止逆黨悔非回兵執賊多祚伏誅太子乃遁去明日帝見群臣淚數行下曰幾不與公等相見其爲危

甚矣昔漢成帝爲太子行不敢絕馳道推此則太子稱兵宮中爲悖已甚以斬三思父子而嘉之乎則弄兵討逆以安君父可也因欲自立則是爲逆又奚可褒此時常氏逆未著義未絕于太子母也子無廢母之理以中宗命廢之則又却父廢母且君或不君臣安可不臣父或不父子安可不子晉太子申生謚曰恭衛太子據謚曰戾今太子乃謚節愍臣所未諭帝憮然稱允而大臣重改竟不從

太子寧憲宗子貞元中謚惠昭

太子永文宗子文宗時謚莊恪

唐宗室謚

劍南節度按察使贈戶部尚書濬懿祖之裔開元中
謚成

濬子太子少傅贈太子太傅褒國公麟乾元初謚德
蔡王蔚烈祖子周朔方摠管武德中封王謚烈
蔚子西平王安武德中謚懷

蔚子河間王孝恭貞觀中謚元

鄭王亮烈祖子隋海州刺史武德中封王謚孝

亮子襄邑王神符永徽中謚恭

亮曾孫鄭滑節度使檢校尚書右僕射贈司空復貞

元中謚昭

神符孫太子賓客贈太子太保模肅代間謚敬

神符五世孫彭原郡公程武宗時謚繆

永安王孝基烈祖孫武德初謚壯

淮南王道玄烈祖孫武德初謚壯

長平王叔良烈祖孫武德中謚肅

隴西王博義世祖孫高宗時謚恭

渤海王奉慈博義弟高宗時謚敬

衛王玄霸高祖子武德中追謚懷

巢王元吉高祖子貞觀初追謚刺

楚王智雲高祖子武德元年追謚哀

鄆王元亨高祖子貞觀中謚悼

徐王元禮高祖子高宗時謚康

彭王元則高祖子貞觀中謚思

鄭王元懿高祖子高宗時謚惠

懿五世孫汧國公勉德宗時謚貞簡

虢王鳳高祖子謚莊

道王元慶高祖子高宗時謚孝

鄧王元裕高祖子謚康

江王元祥高祖子謚安

密王元曉高祖子貞觀中謚貞

漢王泰太宗子高宗時謚恭

蜀王愔太宗子咸亨初謚悼

瑯琊王冲太宗孫謚敬 父貞討武氏不克與冲俱死削爵開元四年復爵土有司議死不忘君宜謚敬

從之

江王囂太宗子謚殤

曹王舉明曾孫太宗玄孫憲宗時謚成

旅王孝高宗子神龍初追謚悼

贈皇太子賢高宗子睿宗初追謚章懷

贈皇太子重潤中宗子神德初追謚懿德

襄王重茂中宗子開元中謚殤帝

寧王憲睿宗長子開元中謚讓皇帝 妃元氏謚恭

皇后

憲子蓬州長史贈太子太師瑀肅宗時謚宣

恒王贈太子撫贊宗子開元八年謚惠莊

鄭王贈太子範睿宗子開元十四年謚惠文

薛王贈太子業睿宗子開元二十二年謚惠宣

許昌郡王贈太子琮玄宗子天寶中謚靖德肅宗立
進謚奉天皇帝 妃竇氏謚恭應皇后

榮王贈太子琬玄宗子天寶末謚靖恭

夏王一玄宗子以母寵故名未免懷薨謚悼

懷王愍玄宗子甫號薨謚思

司馬法
卷之九
三
盛王琦玄宗子廣德二年薨謚宣

汴王璥玄宗子開元二十四年薨謚哀

建寧王倓肅宗子天曆中謚承天皇帝以興信公主女張冥配謚恭順皇后

興王贈皇太子召肅宗子上元元年謚恭懿

鄭王贈皇太子邈代宗子上元中謚昭靖

贈太子源順宗子貞元中謚文敬 源見愛於德宗

嘗命爲子本傳列在德宗之系今正之

漳王贈太子湊穆宗子開成中謚懷懿

晉王贈太子普敬宗子太和中謚悼懷

雍王贈太子渼宣宗子大中時謚靖懷

睦王贈太子倚懿宗子天復初追謚恭哀

唐公主謚

平陽公主高祖女適柴紹謚昭

安興公主高祖女早卒謚昭懷

齊國公主代宗女適郭曖謚昭懿

趙國公主代宗女初適封武清再適田緒謚莊懿

韓國公主德宗女許嫁韋宥未婚而薨謚貞穆

魏國公主德宗女適王士平謚憲穆

鄭國公主德宗女適張茂宗謚莊穆

燕國公主德宗女適回紇武義成功可汗謚襄穆

梁國公主順宗女適鄭何謚恭靖

梁國公主憲宗女適于季謚惠康

鄭國公主憲宗女適常讓謚溫儀

岐國公主憲宗女適杜悰謚莊淑

齊國公主宣宗女適嚴祁謚恭懷

許昌公主宣宗女適柳陟謚莊肅

衛國公主懿宗女適常保衡謚入懿

壽安公主憲宗子絳王悟女適王元達謚章惠
邵國公主女爲德宗太子妃謚惠太子史不著其
名應是順宗耳

唐諸臣謚

驃騎將軍贈瀛州刺史平原公劉感鳳翔人高祖時
謚忠壯

嘉州刺史安樂郡公贈洪州都督李思行趙州人恥

唐興師謚襄

右武衛大將軍贈左衛大將軍幽州總管永安縣公

姜寶誼上邦人高祖時謚剛

夏州都督成紀縣侯姜協寶誼子謚威

絳州總管郊公羅士信歷城人高祖時謚勇

綿州刺史贈工部尚書張道源和人高祖時謚節

兵部侍郎華州刺史贈秦州刺史開化公趙慈景謚

忠

慈景初與隋將堯君素戰被執

吏部尚書贈陝東道大行臺右僕射司空鄖國公殷

開山鄆人高祖時謚節

內史令贈同州刺史延安郡公竇威平陸人高祖時
謚靜

檢校晉州總管贈左衛大將軍譙國公竇琮威之弟
高祖時謚敬

左武候大將軍贈司徒竇抗威從兄子高祖時謚叡
通典作謚博

民部尚書信都男竇靜抗子太宗時謚肅

光祿大夫贈工部尚書荊州刺史莘國公竇誕太宗

時謚安

將作大匠贈禮部尚書鄧國公寶璡抗弟太宗時謚安

檢校左相贈光祿大夫幽州都督鉅鹿男寶德玄威
從孫太宗時謚恭

大理卿常山郡公郎頴新樂人武德時謚平

太僕卿盧國公權弘壽萬年人高祖時謚恭

吳王長史贈齊州都督武都郡公權萬紀萬壽族兄

第太宗時謚敏

光祿大夫贈原州都督裴仁基聞喜人高祖時謚忠
金牙道大總管贈幽州都督聞喜縣公裴行儉仁基
子高宗時謚獻

侍中兼吏部尚書弘文館學士贈太師正平縣男裴
光庭行儉子玄宗時謚忠憲

初博士孫婉以光庭在吏部用循資格非獎勸
之義謚曰克平光庭與蕭嵩不合時以婉爲希
嵩意玄宗聞之特賜謚忠憲

度支郎中裴倩光庭子謚節

左監門大將軍應國公李燦萬年人高祖時謚明
殿中監同鳳閣鸞臺平章事贈秦州都督金城侯李
道廣燦孫武后時謚成

太子詹事贈太子少傅清水縣男李元紘道廣子開
元中謚文忠

隋榆林太守張衡字建平河內人大業八年賜死唐
武德初以死非其罪贈大將軍南陽郡公謚忠

衡與弑文皇者臨死大言我爲人作何物事而
望久活監刑者塞其口促殺之

冠軍大將軍贈代州都督許洛仁并州人太宗時謚
勇

隋右驍騎將軍長孫晟字季晟卽無忌之父大業五年卒貞觀中追贈司空齊國公謚獻

杞州刺史平原郡公長孫敵晟從弟太宗時謚良

澤州刺史贈荊州都督薛國公長孫順德敵弟太宗

時謚襄

陝州刺史贈吏部尚書樂壽縣男長孫操順德姪高

宗時謚安

戶部尚書贈幽州都督楊纂弘農華陰人太宗時謚

恭

大府卿贈蘭州都督清河郡公楊弘禮纂同族高宗

永徽中謚質

西臺侍郎同東西臺三品贈汴州刺史楊弘武弘禮

第高宗時謚恭

始州刺史襄武郡公劉師立虞城人太宗時謚肅

眉州刺史贈左武衛大將軍潭州都督巢國公錢九

臘長興人太宗時謚勇

右武衛大將軍贈荊州都督東萊公公孫武達櫟陽人太宗時謚壯

懷州刺史贈涼州都督追封遂安公李安遠夏州人太宗時謚安

左光祿大夫贈尚書左僕射司空蔣國公屈突通長安人貞觀中謚忠

檢校岐州刺史贈禮部尚書幽州都督壽陵縣男柳亨蒲州解縣人太宗時謚恭

代州都督贈左驍騎大將軍荊州都督鄉國公張公

謹繁水人貞觀中謚襄

鎮軍大將軍華州刺史贈荊州都督譙國公柴紹臨汾人太宗時謚襄

右驍衛大將軍新興縣公馬三寶柴紹家僅太宗時謚忠

秘書監弘文館學士顏師古臨沂人太宗時謚戴

太子賓客襄陽男羅珦會稽人謚夷

左武衛大將軍胡國公泰叔寶謚失

朔方道總管贈右衛大將軍東平郡公程名振潞州

平恩人太宗時謚烈

鎮軍大將軍贈輔國大將軍楊州都督褒國公段志
玄臨淄人貞觀中謚壯肅

前軍大總管贈開府儀同三司并州都督褒國公劉
弘基池陽人貞觀中謚襄

洪州都督贈民部尚書邢國公劉政會胙城人貞觀

中謚襄

特進贈荊州總管譚國公丘和洛陽人貞觀中謚襄

大將軍冀陝二州刺史贈荊州刺史天水郡公丘行

恭和子高宗時謚襄

禮部侍郎贈尚書右僕射黎國公溫大雅并州祁人
太宗時謚孝

尚書右僕射贈特進虞國公溫彥博大雅弟高宗時
謚恭

中書侍郎贈鴻臚卿清河郡公溫大有彥博弟武德
中謚敬

益州大都督府長史贈禮部尚書皇甫無逸萬年人
太宗時謚良

初謚孝王珪駿曰無逸入蜀不能與母俱留卒京師子道未足稱不可謂孝乃更謚良

隴州刺史贈岷州都督姜暮上邦人太宗時謚安行軍副總管贈左衛大將軍鄜國公姜確暮子太宗時謚襄

秦州刺史贈刑部尚書清河縣公崔倉爲武城人太宗時謚忠

欽州總管贈左驍衛大將軍越州都督宜春郡公王雄誕濟陰人太宗時謚忠

檢校特進西海道行軍大總管開府儀同三司贈司

徒并州都督衛國公李靖三原人太宗時謚景武

開府儀同三司同中書門下三品贈司徒并州都督

許國公高儉字士廉齊清河王後太宗時謚文獻

隋涇陽令唐贈徐州都督臨淄縣公房彥謙字孝冲

清河東武城人貞觀初以子玄齡著勳庸謚定

司空贈太尉并州都督梁國公房玄齡臨淄人太宗

時謚文昭

尚書右僕射贈開府儀同三司司空蔡國公杜如晦

杜陵人太宗時謚成

檢校吏部尚書贈尚書右僕射安吉郡公杜淹如晦
叔太宗時謚襄

尚書左僕射領河中忠武節度使贈太子太師襄陽
郡公杜審權如晦六世孫懿宗時謚德

國子祭酒贈太常卿曲阜縣子孔穎達衡水人太宗
時謚憲

特進知門下省事贈司空相州都督鄭國公魏徵曲
城人太宗時謚文貞

禮部尚書贈吏部永寧郡公王珪郿人太宗時謚懿
少師贈開府儀同三司新昌縣公李綱脩人太宗時
謚貞

右衛大將軍兼太子右衛率工部尚書武陽公李大
亮涇陽人太宗時謚懿

檢校吏部尚書贈尚書右僕射道國公戴胄安陽人
太宗時謚忠

尚書右僕射贈開府儀同三司并州大都督戴至德
胄兄子儀鳳中謚恭

禮部尚書贈戶部尚書漢東郡公陳叔達陳宣帝子

太宗時謚忠

叔達閨薄汙漫爲有司所劾謚曰繆久之改謚
爲忠

洛州都督特進贈潭州都督觀國公楊恭仁隋觀王
雄子太宗時謚孝

太常卿贈吏部尚書并州都督安德郡公楊師道恭
仁弟太宗時謚懿

尚書右僕射畧國公封倫字德彝隋人大宗時謚謬

德彞初謚曰明然素有爲建成意卒後事浸聞
民部尚書唐倫等議倫寵極生前而罪暴身後
所歷官不可盡奪請還贈改謚以懲僉壬有詔
奪司空削實封改謚曰謬

民部尚書安邑公裴矩聞喜人太宗時謚敬

右衛大將軍贈左衛大將軍涼州都督郢國公宇文
士及長安人太宗時謚縱

士及始謚曰恭黃門侍郎劉洎曰士及居家侈
肆不可謂恭乃改曰縱

宜州刺史贈幽州刺史鄭元璫榮澤人太宗時謚簡
禮部尚書左衛大將軍贈特進并州都督芮國公豆
盧寬雍州萬年人貞觀中謚定

開府儀同三司檢校相王府長史贈司空并州大都
督豆盧欽望寬子中宗時謚元

商州刺史贈司空荊州都督宋國公蕭瑀後梁明帝
子太宗時謚貞福

初太常謚曰肅太宗以其性忌改謚貞福

中書令贈侍中廣州都督江陵縣子岑文本棘陽人

太宗時謚憲

銀青光祿大夫弘文館學士贈禮部尚書永興公虞世南餘姚人太宗時謚文憲

銀青光祿大夫洪廣二州都督謝叔方萬年人太宗時謚勤

宗正卿安平縣子李百藥安平人太宗時謚康

荊州大都督府長史李安期百藥子高宗時謚烈

散騎常侍贈太常卿陽翟縣侯褚亮錢塘人太宗時

謚康

散騎常侍贈太常卿豐城縣男姚思廉萬年人太宗時謚康

地官尚書贈越州都督姚璿思廉孫武后時謚成
金紫光祿大夫彭城縣公令狐德棻華原人高宗時
謚憲

左光祿大夫太子太師幽州都督燕國公子志寧高
陵人高宗時謚定

工部尚書贈尚書左僕射東海郡公于休烈志寧曾
孫代宗時謚元

光祿大夫侍中兼太子少保贈開府儀同三司荊州
都督脩縣公高馮字季輔脩人高宗時謚憲

尚書左僕射太子少傅贈開府儀同三司并州都督
北平縣公張行成義豐人高宗時謚定

工部尚書贈吏部尚書并州都督大安縣公閻讓字
立德萬年人高宗永徽中謚康

中書令博陵縣男閻立本讓弟高宗咸亨中謚文貞
禮部尚書贈開府儀同三司揚州大都督高陽縣男
許敬宗杭州新城人高宗時謚恭

太常博士袁思古議敬宗棄子于荒徼嫁女于
蠻落宜謚謬其孫彥伯訴思古有嫌詔更讓博
士王福時曰何曾忠而孝以日食萬錢謚謬祀
况敬宗忠孝兩棄飲食男女之累過之執不改
有詔尚書省雜議更謚曰恭

中書令贈幽州大都督崔知溫鄆陵人高宗永隆中
謚忠

右散騎常侍贈越州都督高智周晉陵人高宗時謚

定

國子祭酒兼弘文館學士趙弘智河南新安人高宗時謚宣

太子少師同中書門下三品贈開府儀同三司并州大都督固安縣公崔敦禮由博陵徙咸陽高宗時謚

昭

金紫光祿大夫贈幽州都督盧承慶涿人高宗時謚

定

金紫光祿大夫贈幽州都督廣平郡公劉祥道觀城

人高宗乾封中謚宣

同州刺史贈禮部尚書幽州都督彭城縣公劉德威
彭城人永徽中謚襄

工部尚書檢校左衛大將軍彭城縣公劉審禮德威
子高宗儀鳳中謚僖

揚州長史贈兗州刺史趙國公李敬玄譙人高宗時
謚文憲

檢校右僕射平章事淮南節度使贈太尉趙國公李
紳敬玄曾孫武宗時謚文肅

右衛將軍田仁會長安人永徽中謚威

殿中少監右金吾衛將軍贈輔國大將軍原國公田
歸道仁會子中宗時謚烈

銀青光祿大夫荊州大都督長史薛大鼎汾陰人永
徽中謚恭

蒲州刺史高邑縣侯李素立高邑人高宗時謚平
大府卿趙郡公李從遠素立孫中宗神龍中謚懿
鄜夏二州都督開府儀同三司贈司徒并州都督鄂
國公尉遲敬德善陽人高宗時謚忠武

右中護太子詹事贈秦州都督莘琨萬年人高宗時

謚貞

光祿大夫特進贈開府儀同三司并州都督莒國公唐儉晉陽人高宗顯慶中謚襄

戶部尚書贈幽州都督許圉師安陸人高宗時謚簡
隴山軍討擊副使贈斬州刺史許欽寂圉師姪孫武
后時謚忠

太子少詹事贈尚書右僕射孫逖博州武水人高宗
上元中謚文

太子太師贈太尉揚州大都督舒國公李勣曹州離

詩法通考 卷之九
孤人高宗時謚貞武

秘書少監銀青光祿大夫贈太常卿蕭德言系出蘭陵高宗時謚博

散騎常侍金紫光祿大夫贈禮部尚書張後胤峴山人永徽中謚康

後胤乃太宗少時之師

東都留守張齊丘後胤孫謚貞獻

絳州刺史武昌縣子孔頎山陰人高宗時謚溫

衛州刺史銀青光祿大夫梁郡公孔若思頎從矩開

元中謚惠

蒲州刺史贈幽州都督清丘縣公崔義玄武城人高宗時謚貞

右衛大將軍贈輔國大將軍并州都督畢國公阿史那杜余突厥處羅可汗次子永徵中謚元

右驍衛大將軍贈鎮軍大將軍薛國公阿史那忠突厥左賢王高宗時謚貞

忠宿衛四十八年無纖隙人比金日磾

郴州刺史贈郴州都督駙馬都尉安國公執失思力

突厥酋長高宗時謚景

鎮軍大將軍贈輔國大將軍并州都督涼國公契苾
何力鐵勒部人高宗時謚毅

左鷹揚衛大將軍贈涼州刺史漁陽縣公契苾明何
力子武后時謚靖

右衛大將軍贈并州大都督汴國公泉男生高麗蓋
蘇文子高宗時謚襄

金紫光祿大夫皖城郡公張儉新豐人永徽中謚襄
左衛大將軍贈荊州刺史范陽郡公張延師儉弟謚

敬

涼州安集大使贈左驍騎大將軍幽州都督臨清縣
公蘇烈冀州武邑人高宗乾封中謚壯

魏州刺史張知泰方成人中宗時謚定

贈太師雍州牧益州大都督鄧王韋玄貞韋后父中
宗時謚文獻

東都留守同中書門下三品贈侍中趙公李懷遠栢
人人中宗神龍時謚成

秘書員外少監兼脩國史贈禮部尚書扶陽縣子韋

中宗時謚溫

陳州刺史贈兵部尚書韋嗣立承慶弟開元中謚孝
工部尚書東京留守贈揚州大都督南皮郡子韋虛
心萬年人中宗景龍中謚正

太原尹贈幽州都督都彭城公韋奏虛心同宗玄宗
時謚文

太子太師贈司徒幽國公韋見素奏子肅宗寶應初
謚忠貞

檢校太子詹事贈兗州都督河內郡公蘇珦藍田人

中宗時謚文

國子司業贈衛州刺史清河縣子崔融齊州全節人
中宗時謚文

中書舍人贈定州刺史崔禹錫融子開元中謚貞
禮部尚書贈荊州大都督崔翹融子開元中謚成
檢校尚書左僕射淮南節度副大使崔從融曾孫文
宗太和六年謚貞

太子太保分司東京贈司空崔慎由從子懿宗咸通
中謚貞

太子太傅贈太子太師崔安潛從子僖宗時謚貞孝
趙州刺史平昌子高麗京兆萬年人武后時謚節
天兵軍大總管贈幽州都督譙縣子妻師德原武人
武后聖曆中謚貞

尚書左僕射同中書門下三品贈持進并州大都督
鄭國公楊再思原武人武后時謚恭

鸞臺侍郎同鳳閣鸞臺平章事贈司空梁公狄仁傑
并州太原人武后聖曆中謚文惠

左庶子贈吏部尚書石泉縣公王琳字方慶晉王導

之裔徙咸陽武后長安二年謚貞

太子少師贈開府儀同三司王璵琳六世孫肅宗時
謚簡懷

左羽林大將軍贈營州都督薊郡公李楷洛本契丹
酋長歸唐爲營州柳城人武后時謚忠烈

太尉河東節度使贈太保臨淮郡王李光弼楷洛子
代宗廣德中謚武穆

潞州刺史贈齊州刺史常山縣子李嗣真邢州柏人
人武后時謚昭

文昌左相司鳳閣鸞臺三品贈益州大都督邢國公王及善洛州邯鄲人武后時謚貞

特進朔方行軍大總管贈荊州大都督宋國公唐睿京兆始平人睿宗延和元年謚忠

中書令贈太尉益州大都督河東侯裴炎聞喜人睿宗時追謚忠

廬州刺史贈秘書監朱敬則永城人睿宗時追謚元尚書左僕射贈特進荊州大都督韋巨源睿宗時謚

昭

博士李處直謚巨源爲昭戶部員外郎李邕以
巨源附武三思爲相託韋后親屬謚昭爲非處
直孰不改邕列陳其惡不見用然世皆直邕
太子少傅贈司空荊州大都督許國公蘇瓌武功人
睿宗景雲中謚文貞

紫薇侍郎同紫薇黃門平章事右丞相許國公蘇颋
瓌子開元中謚文憲

侍中特進贈司徒燕國公桓彥範丹陽人睿宗時追
謚忠烈

國子祭酒北平縣伯陽嶠洛陽人睿宗時謚敬

侍中特進贈秦州都督平陽王敬暉絳州平陽人睿

宗時追謚肅愍

中書令博陵王崔玄暉博陵安平人睿宗時謚文獻

道州刺史贈太子太傅崔渙玄暉孫代宗時謚元

太常卿贈吏部尚書常山公崔縱渙子貞元中謚忠

特進襄州刺史贈中書令濮陽王張柬之襄陽人景

雲元年謚文貞

中書令特進南陽王袁恕已滄洲東光人睿宗時追

謚貞烈

光祿卿駙馬都尉琅琊公王同皎相州安陽人睿宗時謚忠

同皎欲誅三思廢韋后見殺

禮部尚書贈荊州大都督王丘同皎從子天寶二年謚文

彬州刺史贈司徒徐國公劉幽求冀州武彊人玄宗

開元中謚文獻

汝州刺史贈吏部尚書荊州大都督齊國公崔日用

滑州靈昌人開元中謚昭

潞州長史中山公崔日知日用從兄開元中謚襄
務州尉贈尚書左僕射宋州刺史齊公魏元忠宋州
宋城人開元中謚貞

沔州別駕贈左僕射郇國公韋安石萬年人天寶中

謚文貞

尚書左僕射郇國公韋陟安石子永泰

元年謚忠孝

太常博士程皓議謚忠孝顏真卿以爲許國奏

親不兩立不當合二行爲謚主客員外郎歸崇敬亦駁正之右僕射郭英文無學術卒用大常議云

國子祭酒贈兗州都督脩文館學士沛國公韋叔夏安石兄中宗時謚文

刑部尚書贈太子少傅韋抗叔夏從父子玄宗時謚貞

朔方行軍大總管唐休璟始平人謚忠

秘書監贈潤州刺史常山縣公馬懷素丹徒人謚文

太子賓客弘文館學士禮部尚書元澹字行冲元魏

後裔開元中謚獻

秘書閣贈禮部尚書陸堅洛陽人開元中謚懿
左散騎常侍兼國子祭酒贈禮部尚書舒國公褚無
量鹽官人開元中謚文

紫微令開府儀同三司贈揚州大都督梁國公姚崇
硖石人開元中謚文獻

尚書右丞相贈太尉廣平郡公宋璟南和人開元中

謚文貞

右丞相開府儀同三司贈太師燕國公張說洛陽人
開元中謚文貞

時楊伯成駁有瑕玷不從

工部尚書贈幽州都督梁國公魏知古陸澤人開元
中謚忠

太子賓客長山伯韓思復京兆長安人玄宗時謚文
刑部尚書贈黃門監中山公李乂房子人開元中謚
貞

太子賓客魏公楊元琰閩鄉人開元中謚忠

將作大臣開府儀同三司贈太尉益州大都督祁國

公王仁皎玄宗廢后父開元中謚昭宣

禮部尚書贈尚書右丞相魏縣侯杜暹濮陽人開元
中謚貞孝

初謚貞肅劉同昇等以暹行忠孝謚有未盡其
子又列訴乃更敕有司考定謚貞孝

荊州長史贈荊州大都督始興縣伯張九齡曲江人
開元中謚文獻

秘書監贈禮部尚書曲江縣伯張仲方抗之子九齡

從曾孫文宗時謚成

太子少師贈揚州大都督太子太師宜陽縣子韓休長安人開元中謚文忠

鎮海軍節度使加檢校左僕射同中書門下三品贈太傅鄭國公韓滉休子貞元子謚忠肅

東都留守贈太子太保韓滉子長慶中謚貞

工部尚書定州刺史知平北軍事贈益州大都督河東侯張嘉貞蒲州漪氏人開元中謚恭肅

中書侍郎同中書門下平章事贈太保張延賞嘉貞

子德宗時謚成肅

江陵大都督長史贈禮部尚書源乾曜相州臨漳人
天寶中謚懿

岐王府長史裴子餘絳州稷山人開元中謚孝

時程行謐謚貞中書令張說歎曰裴程二謚可

無媿矣

尚書右射僕贈太子太傅趙城侯裴耀卿子餘弟天
寶中謚文獻

國子祭酒工部尚書贈吏部尚書裴佶耀卿孫德宗

時謚貞

工部尚書贈黃門監天水郡公尹思貞長安人開元
中謚簡

太子詹事贈黃門監畢構偃師人玄宗時謚景
廣平太守畢炕構子謚忠

炕拒祿山城陷覆其家

禮部尚書贈江陵大都督襄陽子席豫襄陽人天寶
中謚文

文昌左相同鳳閣鸞臺三品贈開府儀同三司并州

大都督樂城縣男劉仁軌尉氏人開元中追謚文獻
集賢院學士光祿大夫贈太子少保徐堅長興人玄
宗時謚文

邠王傳固安縣侯盧熾范陽人玄宗時謚景

左驍衛大將軍朔方副大使酒泉郡公贈撥川郡王
論弓仁吐蕃族玄宗時謚忠

隋州刺史開府儀同三司王裕并州祁人謚文

散騎常侍贈戶部尚書王瑨裕曾孫玄宗時謚孝

朔方行軍大總管贈太常卿平陽郡公薛訥龍門人

仁貴子開元中謚昭定

戶部尚書朔方軍節度使贈尚書左丞相中山郡公
王晙洛陽人玄宗時謚忠烈

侍中兼太子賓客贈幽州都督張文瓘貝州武城人
玄宗時謚懿

太子少保贈尚書左丞充國公陸象先吳郡人開元
中謚文貞

太子詹事廣平公陸餘慶象先從父開元中謚莊

太子少師贈尚書左僕射陸希聲象先四世從孫昭

宋時謚文

太子詹事贈工部尚書范陽男張廷珪濟源人開元中謚貞穆

太子賓客贈禮部尚書崔汎長安人開元中謚孝
吏部尚書贈益州大都督盧從愿臨漳人開元中謚
文

御史大夫贈禮部尚書金城伯李朝隱三原人開元
中謚貞

太子賓客贈禮部尚書裴譙開元人開元中謚懿

江西觀察使贈尚書右僕射裴胄謹從姪德宗時謚成

河北度支營田使兼營州都督贈工部尚書宋慶禮
永平人玄宗時謚敬

太常博士張星以慶禮好功自是謚曰專禮部員外郎張九齡申駁曰慶禮在邊三十年往城管州士纔數千無甲兵捍衛指期而往不失所慮遂罷海運收歲儲邊亭晏然其功可推不當醜謚慶禮兄子辭玉亦自詣闈訴改謚曰敬

左散騎常侍贈戶部尚書楊瑒華陰人玄宗時謚貞
東都留守贈益州大都督清河郡公崔隱甫武城人
玄宗時謚忠

太子賓客高邑伯李尚隱萬年人開元中謚貞

安州別駕贈工部尚書居巢侯劉知幾彭城人玄宗
時追謚文

吏部尚書贈陝州大都督劉滋知幾孫貞元中謚貞
宣州刺史都團練觀察使贈吏部尚書劉蕡知幾孫
德宗時謚敬

尚書左僕射同中書門下平章事贈太尉西平王哥舒翰其先突騎施酋長天寶中謚武愍

工部尚書同中書門下三品知門下事領河東節度副大使左相贈尚書右丞相幽國公牛仙客涇州鶴觚人玄宗時謚貞簡

禮部尚書東京留守酒泉縣侯李憕文水人祿山陷東京憕與子十人皆死肅宗時謚忠懿

東都留守贈禮部尚書盧奕懷慎少子肅宗時死于安祿山謚貞烈

滎陽太守贈禮部尚書崔無詖博陵人肅宗時死于安祿山謚毅勇

驃騎大將軍號國公贈武威郡王李嗣業高陵人肅宗時謚忠勇

河東節度副大使司空贈太尉王思禮高麗人肅宗上元中謚武烈

尉衛卿兼御史中丞贈司徒顏杲卿臨沂人肅宗時謚忠節

初博士裴郁以杲卿不執政但謚曰忠議者不

平故以二字謚焉

太子太師贈司徒魯國公顏真卿杲卿弟德宗時謚文忠元文宗時加謚正烈文忠

左散騎常侍贈禮部尚書渤海縣侯高適渤海人代宗永泰中謚忠

檢校左僕射知省事贈司空扶風郡王馬璘扶風人大曆中謚武

山南西道副元帥兼節度使贈太保涼國公李抱玉河西人大曆中謚昭武

檢校左僕射知省事贈太子太師趙國公崔圓武城
人大曆中謚昭襄

太保贈太師韓國公苗晉卿壘關人永泰初謚文貞

初謚懿獻元載未顯時爲晉卿所遇故諷有司

改之

荊州刺史贈吏部尚書湏昌縣伯呂諹河東人永泰
中謚肅嚴郢以諹故吏請謚有司博士獨孤及謚
曰肅郢以故事宰相謚皆二名請謚曰忠肅及執奏
謂謚在義美惡不在多名文王伐崇周公殺三監淮

夷重耳一戰而霸而謚曰文冀缺之恪寡俞之忠隨
會不忘其君而謚曰武故知稱其大畧其細也且二
名謚非古也漢興蕭何張良霍去病霍光以文武大
畧佐漢致太平一名不盡其美乃有文終文成景桓
宣成之謚唐興參周漢制魏徵以王道佐時近文愛
君忘身近貞二者並優廢一莫可故曰文貞蕭瑀端
直近貞性多猜近福言福則失貞稱貞則遺福故曰
貞福蓋有爲爲之也若跡無異稱則易以一字故杜
如晦曰成封德奕曰明王珪曰懿陳叔達曰忠溫彥

博曰恭岑文本曰憲帝巨源曰昭皆當時赫赫居宰相位不過一名而言故事宰相必以二名固所未聞宜如前謚遂不改

左散騎常侍信都縣伯賈至洛陽人大曆中謚文

太原尹南陽公鄧景山曹州人代宗時謚敬

中書侍郎同中書門下平章事贈司徒楊綰華陰人

代宗時謚文簡

初太常謚文貞比部郎中蘇端陘人也持異議

宰相常袞陰助之代宗以其言醜陘不實貶端

巴州員外司馬賜綰謚曰文簡

太子賓客贈工部尚書武邑縣男崔倫安平人代宗時謚敬懿

宣歙池觀察使贈工部尚書崔衍倫子元和元年謚懿

右驍衛大將軍贈兵部尚書代國公安金藏長安人大曆中追謚忠

門下侍郎贈太尉衛國公杜鴻漸濮州人大曆中謚文憲

左武衛大將軍贈涼州都督介休縣公郭知運晉昌人代宗永泰初謚威

山南東道節度使贈戶部尚書王翊晉陽人代宗時謚忠

東都留守贈尚書右僕射王翊翊弟貞元中謚肅宣歙池觀察使贈吏部尚書王凝翊曾孫僖宗時謚

貞

吏部侍郎韋肇萬年人代宗時謚貞

河南尹贈尚書右僕射韋貫之肇之子穆宗時謚貞

後改謚文

秘書監分司東都贈戶部尚書常澳質之子懿宗時謚貞

宣歙觀察使贈工部尚書常溫貫之從子武宗時謚孝

御史大夫贈吏部尚書贊皇縣子李栖筠贊皇人代宗時謚文獻

中書侍郎同中書門下平章事贈司空趙國公李吉甫
栖筠子謚忠懿吉甫卒太常謚恭懿博士尉遲

汾請謚敬憲集賢校理張仲方與吉甫有隙因上議
曰古之謚考大節畧細行善善惡惡一言而足按吉
甫雖多才多藝而側媚取容疊致台袞寡信易謀事
無成功且兵凶器不可從我始至以伐罪則邀必成
功今內有賊輔臣之盜外有懷毒薦之臣師徒暴野
農不得在畝婦不得在桑耗賦殫屍僵血流齒骼
成岳毒痛之痛訴天無辜階禍之發實始吉甫又言
吉甫平易柔寬名不配行請俟蔡平然後議之憲宗
方用兵疾其言醜訐貶仲方遂州司馬更賜吉甫謚

忠懿

太子少傅贈太子太保李鄘邕從孫憲宗時謚肅
太子少師贈司徒李磾鄆孫昭宗時謚文

檢校右僕射同中書門下平章事贈太尉金城郡王
辛雲京蘭州金城人大曆中謚忠獻

幽州守贈太尉賈循華原人德宗建中二年謚忠

右龍武統軍贈楊州大都督張伯儀魏州人德宗時
謚恭

初伯儀卒請謚博士李吉甫以中興三十年而

兵未戢者將帥養寇藩身也若以亡敗爲戒則
總干戈者必圖萬全而不決戰若伯儀雖敗而
其忠可錄遂謚曰恭

兵部尚書贈左僕射餘姚郡公歸崇敬吳人德宗時
謚宣

工部尚書贈太子少師長洲縣男歸登崇敬子憲宗
時謚憲

太子少師贈楊州都督郢國公韋倫京兆人德宗時

謚肅

中書侍郎許昌縣子元載鳳翔岐山人德宗興元元年謚荒後改謚成縱

太子賓客贈戶部尚書齊抗義豐人德宗時謚成尚父太尉中書令贈太師汾陽王郭子儀華州人建中二年謚忠武

綱目書法曰號官爵謚具前乎此未有也終綱目千三百六十二年一人而已

太子詹事贈太子太傅代國公郭曜子儀子建中三年謚孝

中書侍郎同中書門下平章事贈太傅崔祐甫博陵人德宗時謚文貞

戶部尚書贈太子少保崔俊祐甫從子穆宗時謚肅恒州長史檢校太尉兼中書令贈太師鄆鄖郡王武俊契丹人初謚威烈貞元中更謚忠烈

恒冀節度使同中書門下平章事贈司徒清河郡公王士真武俊子元和中謚襄

檢校吏部尚書東都留守贈太子少傅杜亞京兆人

貞元中謚肅

兵部侍郎贈禮部尚書劉迺伊閩人不從朱泚反不食卒德宗時謚貞惠

北庭副元帥檢校司徒贈太傅劉玄佐匡城人德宗時謚壯武

司農卿贈太尉段秀實汧陽人興元元年謚忠烈

朱子綱目書法曰贈書謚重死節也故果卿書謚忠節秀實書謚忠烈貞卿書謚文忠皆死節者也綱目書贈官十二而書謚曰某者三人而已

太子太傅冀國公李叔明閬州新鄭人貞元中謚襄

昭義節度使檢校工部尚書贈尚書左僕射同昌郡
王王虔休汝州梁人德宗時謚敬

檢校司空贈太師上谷郡王張孝忠奚種貞元中謚
貞武

檢校太尉兼中書令贈太師延德郡王張茂昭孝忠
子元和中謚獻武

太尉中書令贈太師西平王李晟臨潭人貞元中謚
忠武

太子少保贈太尉涼公李愬歲子憲宗時謚武

司徒兼侍中贈太傅北平王馬燧鄭城人貞元中謚

壯武

少府監贈工部尚書馬暢燧子順宗時謚縱

檢校司徒兼中書令贈太師咸寧王渾瑊鐵勒部人

貞元中謚忠武

綱目斷曰唐書渾瑊與李晟同謚忠武通鑑於瑊
獨不著謚何也夫賊解奉天之圍晟收復京城且
晟破賊時瑊亦進取咸陽其功固不相下瑊嘗謂
晟秉義執志臨事不可奪雖知晟莫若瑊然瑊之

秉義執志亦可知也虜尚結贊曰唐之名將李晟
與渾瑊耳兩王名播戎狄俱謚忠武誠非虛美分
註補書輝映史冊宜哉

檢校尚書左僕射鎮國軍節度使贈司空武康王李
元諒安息人貞元中謚莊威

右龍武統軍韓游環靈武人貞元中謚襄

尚書左僕射楊炎鳳翔天興人德宗時謚肅愍右丞
孔戣駁之更謚平厲

檢校司封郎中獨孤及洛陽人德宗時謚憲

檢校尚書左僕射同中書門下平章事贈太保馮翊
郡王嚴震鹽亭人貞元中謚忠穆

鄜坊節度使贈尚書右僕射王栖曜濮陽人貞元中
謚成

將作監河南節度使贈司徒濮陽郡公王茂元栖曜
子憲宗時謚威

京兆尹兼戶部尚書贈尚書右僕射吳湊濮州人章
敬皇后弟貞元中謚成

金吾衛大將軍贈太子太保吳淑湊弟爲朱泚所害

德宗時謚忠

吏部尚書吳縣男顧少連吳人德宗時謚敬

彭王傳贈太子少師會稽郡公徐浩越州人德宗時

謚定

尚書左僕射贈司空李揆隴西人德宗時謚恭

中書侍郎同中書門下平章事贈太子太傅趙璟隴

西人德宗時謚貞憲

江西觀察使贈禮部尚書河間縣男齊映瀛州高陽

人貞元中謚忠

檢校尚書左僕射同中書門下平章事宣武節度副
天使知節度事贈太傅董晉虞鄉人貞元中謚恭惠
給事中御史大夫魏博宣慰使贈尚書左僕射孔巢
父孔子三十七世孫爲李懷光軍士所害德宗時謚
忠

禮部尚書贈兵部尚書孔戣巢父子穆宗時謚貞

尚書右僕射贈太子太保姚南仲下邽人貞元中謚
貞

門下侍郎同中書門下平章事贈太子太傅崔損系

本博陵貞元中謚靖

太常卿贈刑部尚書常渠牟萬年人貞元中謚忠
兵部尚書判戶部贈右僕射王紹萬年人順宗時謚
敬

忠州別駕贈兵部尚書陸贊嘉興人順宗時謚宣
榆校司徒兼中書令贈太師南康郡王常臯萬年人
順宗時謚忠武

工部尚書贈禮部尚書張薦深州陸澤人順宗時謚

憲

尚書右僕射贈太子太保高鄆衡州人順宗時謚貞
檢校司空左僕射贈太傅賈耽滄州南皮人順宗時
謚元靖

吏部尚書贈尚書左僕射鄭珣瑜榮澤人順宗時謚
文獻 太常博士徐復謚珣瑜文獻兵部侍郎李巽
言文者經緯天地用二謚非春秋之正請更謚復謂
二謚周漢以來有之威烈慎艱潤也文成文終漢也
况珣瑜名臣二謚不嫌巽曰謚一正也堯舜是也二
謚非古也法所不載詔從復議

詒法通鑑 卷之六
榆校司空同中書門下平章事河中節度使贈司徒
邠國公杜黃裳萬年人憲宗元和三年謚宣獻

太子詹事贈戶部尚書李藩趙州人憲宗時謚貞簡
工部侍郎同中書門下平章事領鹽鐵使贈尚書左
僕射程異長安人憲宗時謚恭

光祿大夫守太保贈太傅岐國公杜佑萬年人元和
七年謚安簡

同中書門下平章事邠寧節度使贈司徒南平王高
崇文自渤海徙幽州憲宗時謚威武

右金吾衛大將軍邠寧節度使贈司空高承簡崇文
子憲宗時謚敬

戶部尚書贈太子太傅上柱國裴延齡河東人元和
中謚謬

檢校右僕射兼右衛上將軍贈太子太保南充郡王
伊慎兗州人憲宗時謚壯繆

涇源節度使贈尚書右僕射東陽郡王朱忠亮浚儀
人憲宗時謚靈

檢校尚書左僕射兼左龍武統軍贈潞州大都督彭

城郡公劉昌裔曲陽人憲宗時謚威

太子太保贈太子太師范希朝虞鄉人憲宗時謚忠

武改謚宣武

檢校司徒兼太子太傅河東節度使贈太尉王鍔太
原人憲宗時謚魏

西南道節度使贈尚書左僕射忠義郡王裴玢疏勒
部人憲宗元和中謚節

秘書監贈禮部尚書義興縣公蔣乂河南人憲宗時

謚懿

臨清尉贈秘書少監權臯丹徒人元和中謚貞孝
左散騎常侍襄陽王路應三原人元和六年謚靖
宣歙觀察使贈左散騎常侍房式河南人憲宗時謚
傾吏部尚書崔乾度曰始式刺蜀劉闢構難卽謂
闢曰向夢公爲上相儀衛甚盛幸無相忘闢喜以爲
祥後闢發兵署牒首曰闢副曰式叅謀曰符載大節
已虧不宜得謚博士李虞仲曰始闢反如式不能去
又不能死可謂求生害仁者也縣闢走西山召所疑
畏者盡殺之式在其間會救得免而曰大節已虧近

於溢言謚乃定

昭義軍節度使贈尚書左僕射辛秘隴西人憲宗時謚肅後更謚懿

忠武軍節度使贈尚書左僕射高平郡公鄒士美兗州金鄉人憲宗時謚景

檢校吏部尚書兼門下侍郎同平章事贈司徒臨淮郡公武元衡則天皇后族裔憲宗時謚忠愍

太子少保贈楊州大都督趙昌天水人憲宗時謚成太子賓客贈刑部尚書任迪簡葛年人憲宗時謚襄

工部尚書贈右僕射杜羔正倫五世孫憲宗時謚敬
幽州節度副大使贈兵部尚書彭城郡公劉怦昌平
人憲宗時謚恭

幽州節度副使檢校尚書左僕射同中書門下平章
事贈太師劉濟怦子爲子總毒死憲宗時謚莊武

秦州刺史贈尚書左僕射彭城郡公劉灝怦次子憲
宗時謚景

左散騎常侍贈工部尚書河東郡公薛莘寶禹人憲
宗時謚宣

檢校工部尚書淮南節度使贈太子少傅衛次公河東人憲宗時謚敬

司徒中書令贈太尉許國公韓弘匡城人憲宗時謚隱

右驍騎大將軍贈戶部尚書韓公武弘子憲宗時謚恭

檢校司空宣武節度使贈司徒韓克弘弟穆宗時謚肅

工部尚書嚴濟美史失地憲宗時謚溫

左散騎常侍兵部尚書潘孟陽史失地元和中謚康
東都留守贈太子少保許孟容長安人憲宗時謚憲
太常卿贈吏部尚書崔邠武城人憲宗時謚文簡
檢校禮部尚書贈吏部尚書崔郾邠弟敬宗時謚德
檢校吏部尚書山南西道節度使贈尚書左僕射擢
德輿天水畧陽人憲宗時謚文

兵部侍郎贈戶部尚書裴潾絳州閻善人穆宗時謚
敬

檢校司徒同中書門下平章事兼侍中中書令魏博

節度使田弘正北平盧龍人穆宗長慶元年謚忠愍
檢校工部尚書贈尚書右僕射魏博節度使田布弘
正子穆宗時謚孝

檢校戶部尚書山南西道節度使贈尚書右僕射韋
綬萬年人穆宗時謚通醜

故吏以爲言欲改繆醜卒報罷

太子賓客贈太保于頤隋于謹七世孫謚思

頤初謚厲子季友尚憲宗女永昌公主拜駙馬
都尉從穆宗獵苑中求吹噏頤謚會徐泗節度使

李愬亦爲請乃更謚曰思尚書右丞張正甫封
還詔書右補闕高鉞博士壬彥威持不可謂頓
文吏倔強犯命擅軍稟鄧欲脅制朝廷殺不辜
留制遞囚使者僭正樂勢迫而朝非其宿心得
全署領而沒猶以爲幸不宜更謚帝不從

江西觀察使贈左散騎常侍王仲舒祁人穆宗時謚

成

刑部尚書贈尚書右僕射卒遜客居荊州長慶中謚

貞

戶部尚書贈右僕射馬總系出扶風穆宗時謚懿
江西觀察使薛戎寶鼎人穆宗時謚簡

太子少師檢校司徒贈太保榮陽公鄭餘慶榮陽人
穆宗時謚貞

山南西道節度使贈尚書右僕射鄭澣餘慶子文宗
時謚宣

左僕射贈太尉太原郡公王播太原人後爲揚州人
太和中謚敬

檢校司空贈太尉魏郡公王起播弟宣宗時謚文懿

山西道節度使贈司空彭陽郡公令狐楚華原人
開成中謚文

中書令贈太師晉國公裴度聞喜人文宗開成中謚
文忠

檢校尚書右僕射贈司空晉國公裴識度子宣宗時
謚昭

東川節度使贈吏部尚書長樂縣公馮宿東陽人文
宗時謚懿

宿爲博士時王士真死子承宗阻命不得謚宿

謂世勞不可遺乃上佳謚示不忘忠

左散騎常侍贈工部尚書馮定宿弟文宗時謚節時太常博士李虞仲建言謚者所以表德徵惡春秋褒貶法也茅土爵祿戮辱流放皆緣一時非以明示百代然而後之所以知其行者惟謚是觀古者將葬請謚今近或二三年遠或數十年然後請謚人沒已久風績湮歇採諸傳聞不可考信謚狀雖在言與事浮臣請凡得謚者前葬一月請考功刺太常定議其不請與請而過時者聽御史効舉居京師不得過半

恭居外一朞若善惡著而不請許考功察行謚之節
行卓然雖無官及官卑者在所以聞詔可

禮部尚書贈吏部尚書許康佐史失地文宗時謚懿
東京留守判官贈禮部侍郎蔣清萊荆膠水人文宗
時追謚忠

清與李憕同死祿山之亂以秩卑不及謚文宗
太和中吏部郎中王高言之朝故及之

檢校尚書右僕射同中書門下平章事金海節度使
贈太保路隋陽平人文宗時謚貞

司空贈司徒趙忠儒鄧州穰人文宗時謚昭

檢校司空鳳翔節度使贈司徒晉陽郡公寶易直京

兆始平人文宗時謚恭惠

兵部尚書贈太子太保柳公綽華原人文宗太和中

謚元

尚書左僕射贈司空弘農郡公楊於陵漢楊震之裔

華陰人太和中謚貞孝

江州刺史贈尚書左僕射楊嗣復於陵子宣宗時謚

平

檢校禮部尚書宣武節度使北海縣子贈尚書右僕射王彥威文宗時謚清

檢校司空山南西道節度使贈司徒趙郡公李絳贊皇人文宗時謚貞

司徒山南西道節度使贈太尉邠國公烏重胤張掖人文宗時謚懿穆

司僕少卿贈越州都督徐有功文遠孫武宗會昌中追謚忠正

右丞同中書門下平章事贈兵部尚書宋申錫史失

地會昌二年謚貞

宣歙觀察使贈左散騎常侍王質隋時通之裔武宗時謚定

刑部尚書馮翊縣侯白居易下邽人會昌中謚文

居易遺命薄葬母請謚後從弟敏中爲相因請而謚之

太傅太原郡公白敏中懿宗咸通中謚醜

敏中卒議謚博士曹鄴責其病不堅退且逐諫臣謚法怙威肆行曰醜遂以謚之

太子賓客敬晦河東人武宗大中時謚肅

魏博節度使檢校司徒同中書門下平章事贈太傅
何進滔靈武人武宗時謚定

成德節度使檢校司徒同中書門下三品兼太傅贈
太師太原郡公王元達回紇族漢子武宗時謚忠
成德節度使檢校太傅贈太傅王景崇元達孫懿宗
時謚忠穆

盧龍節度副大使檢校司徒同中書門下平章事蘭
陵郡公張仲武范陽人武宗時謚莊

門下侍郎同中書門下平章事兼戶部尚書贈司空
崔元式博州人宣宗時謚莊

太子少師贈太尉牛僧孺宣宗時謚文簡

檢校尚書右僕射淮南節度使贈太尉贊皇男李珏
趙郡人宣宗時謚貞穆

荊南節度使贈司空鄭肅榮陽人宣宗時謚文簡

太保贈太傅范陽郡公盧鈞系出范陽徙藍田懿宗
時謚元

中書侍郎門下平章事贈司空高琰渤海人懿宗時

謚刺

太常博士曹璞建言璩爲宰相交遊醜雜進取
多蹊徑謚法不思妄愛曰刺請以爲謚遂從之
盧龍節度使檢校司徒兼太傅同中書門下平章事
燕國公張允仲范陽人咸通中謚忠烈

檢校司徒太子太保贈太傅鄭畋系出滎陽昭宗時
謚文昭

吏部尚書右僕射贈司空琅琊侯王徽京兆人昭宗
大順元年謚貞

魏博節度使檢校太師侍中贈太師北平王羅弘信
貴鄉人昭宗光化元年謚莊肅

侍中檢校太尉贈太子太師王處存萬年人昭宗時
謚忠肅

騎士馬景昭宗時謚忠壯

景誘李茂貞開城門而朱全忠敗之昭宗得返
長安故賜謚

檢校禮部尚書贈太子少保東海郡公徐申京兆人
初從曹王舉討李希烈謚平

刑部尚書判度支贈尚書右僕射蕭國公班宏衛州
汲人謚敬

太子少保贈尚書左僕射革夏卿萬年人謚獻

山南東道節度使李朝元魏李冲十世孫謚文

工部尚書陽昉謚恪

定州刺史定襄郡公于匡濟謚果

二人謚出杜氏通與不知何所人

營州都督檢校右驍騎將軍周道務母卽臨川公主

謚襄

武氏偽七廟謚

太原靖王武克已武氏五世祖謚成皇帝廟號嚴祖
妣裴氏謚成莊皇后

趙肅恭王武居常武氏高祖謚章敬皇帝廟號肅祖
妣劉氏謚章敬皇后

魏義康王武儉武氏曾祖謚混元昭安皇帝廟號烈
祖 妣宋氏謚昭安皇后

周安成王武華武氏祖謚立極文穆皇帝廟號顯祖
妣劉氏謚文穆皇后

忠孝大王武士發武氏父謚無上孝明高皇帝廟號

太祖 姦楊氏初謚忠烈後謚孝明高皇后

楚王武士讓武氏從父謚僖

蜀王武士逸武氏從父謚節

士逸曾孫湖州刺史潁川王載德武氏時謚武烈

梁王武元慶武氏從兄謚憲

元慶子三思中宗復位時謚宣

三思子魯王崇訓中宗時謚忠 玄宗時皆削

魏王武元爽武氏從兄謚德

元爽子承嗣謚宣

定王武攸暨武氏從父士稜之子中宗時謚忠簡

玄宗時削

謚法通考卷之九終